

Tukutuku Ako mō Toi Ataata

| Ngā Whakaaro Whānui           | Ngā Akoranga Tāpua<br>Taumata 6-8 o Te Marautanga o Aotearoa                                                                                                                                                                                                                                           |                                                                                                                                                                                                                                                                                   |                                                                                                                                                                                                                                                                                                                            |
|-------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                               | Taumata 6                                                                                                                                                                                                                                                                                              | Taumata 7                                                                                                                                                                                                                                                                         | Taumata 8                                                                                                                                                                                                                                                                                                                  |
| He taonga tuku iho            | <ul style="list-style-type: none"><li>He mātauranga huhua, he whakapapa anō hoki ō ngā toi.</li><li>Ka pupuri, ka whakapuaki ngā toi i ngā kōrero ā-iwi me ngā kōrero tuku iho.</li><li>He kaitiaki te kaitoi, māna e tiaki, e whakaaauaha, e whakawhanake hoki ngā toi.</li></ul>                     |                                                                                                                                                                                                                                                                                   |                                                                                                                                                                                                                                                                                                                            |
|                               | <p>Ka mōhio te ākonga:</p> <ul style="list-style-type: none"><li>he whakapapa, he mātauranga anō hoki ō ngā toi Māori</li><li>he kaitiaki te kaitoi</li></ul>                                                                                                                                          | <p>Ka mōhio te ākonga:</p> <ul style="list-style-type: none"><li>ko ngā kōrero whakapapa me ōna tikanga e ahuahu ana i te aronga/horopaki ā-iwi/tangata, i te taiao hoki</li><li>mā te kaitoi ngā tikanga toi e kawe, e whakaputa ki te ao</li></ul>                              | <p>Ka mōhio te ākonga:</p> <ul style="list-style-type: none"><li>ko ngā kōrero whakapapa me ōna mātauranga he ara e tūhono ai tātou ki te ao hurihuri</li><li>mā te kaitoi ngā tikanga toi e tātari, e panoni i runga anō i ngā horopaki me ngā āhuatanga o te wā kia whai hononga te onamata ki te ao hurihuri.</li></ul> |
| He reo motuhake               | <ul style="list-style-type: none"><li>Ko ngā toi he ara hei whakamāori i te ao whānui.</li><li>Ko ngā toi he ara hei whakapuaki i tā tātou titiro ki te ao me ō tātou whakaaro.</li><li>He reo tō ngā toi e kore e tū noa, ka panoni haere, ka whai tikanga hou i runga anō i tōna horopaki.</li></ul> |                                                                                                                                                                                                                                                                                   |                                                                                                                                                                                                                                                                                                                            |
|                               | <p>Ka mōhio te ākonga:</p> <ul style="list-style-type: none"><li>ko ngā toi he ara hei whakamāori/whakapuaki atu i ngā whakaaro</li><li>mā ngā āhuatanga toi ngā whakaaro/tirohanga o te wā e whakamāori.</li></ul>                                                                                    | <p>Ka mōhio te ākonga:</p> <ul style="list-style-type: none"><li>mā te whakamahi i ngā āhuatanga toi e tika ana ka puta atu ngā whakaaro ki te ao</li><li>ka panoni haere ngā nuka toi i runga anō i te horopaki me ngā tikanga/tirohanga o te wā.</li></ul>                      | <p>Ka mōhio te ākonga:</p> <ul style="list-style-type: none"><li>mā ngā toi tō tātou ao e whakaaweawe kia tipu mai ko ngā tirohanga hou</li><li>mā tō tātou ao ngā toi e whakaaweawe kia whaitake ai ki tēnei ao hurihuri.</li></ul>                                                                                       |
| He hononga ki tō tātou nei ao | <ul style="list-style-type: none"><li>He whai hononga ngā toi ki tō tātou onamata, te nāianeī me te anamata.</li><li>Mā ngā toi tātou e tūhono ki ō tātou tūpuna, ki te taiao me ngā aronga ā-iwi.</li><li>Ko ngā toi, he matapihi ki te ao (wā, horopaki, mokowā).</li></ul>                          |                                                                                                                                                                                                                                                                                   |                                                                                                                                                                                                                                                                                                                            |
|                               | <p>Ka mōhio te ākonga:</p> <ul style="list-style-type: none"><li>ko ngā toi he ara e whai māramatanga ai te tangata ki tōna ao</li><li>ko ngā toi he waka kawē whakaaro hoki.</li></ul>                                                                                                                | <p>Ka mōhio te ākonga:</p> <ul style="list-style-type: none"><li>ko ngā toi e ahuahu ana i te horopaki o te wā, arā, ōna tirohanga tae atu ki ngā rawa/mātauranga ka whāia e te kaitoi</li><li>mā ngā toi ngā whakaaro me ngā kare ā-roto o te wā e whakaputa ki te ao.</li></ul> | <p>Ka mōhio te ākonga:</p> <ul style="list-style-type: none"><li>mā ngā toi te onamata me te anamata e tūhonohono ai</li><li>ko tā ngā toi he mea kōtuitui i ngā mātauranga me ngā aronga/kare ā-roto o te tangata/iwi kia rangona e te ao, ki te ao.</li></ul>                                                            |

|                         |                                                                                                                                                                                                                         |                                                                                                                                                                                                                                                 |                                                                                                                                                                                                                                               |
|-------------------------|-------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------|
| He uri nō Mahara Pohewa | <ul style="list-style-type: none"><li>Mā te whakamātau, me te tūhura ka puta mai ko ngā akoranga hou.</li><li>He taonga te tākaro.</li><li>Ko ngā toi he uri nō Mahara Pohewa, whakatipua kia ora, kia auaha.</li></ul> |                                                                                                                                                                                                                                                 |                                                                                                                                                                                                                                               |
|                         | <p>Ka mōhio te ākonga:</p> <ul style="list-style-type: none"><li>he akoranga nui ka puta i te tūhura me te whakamātau</li><li>kei ngā toi ngā mātauranga ao wairua, ao kikokiko anō hoki.</li></ul>                     | <p>Ka mōhio te ākonga:</p> <ul style="list-style-type: none"><li>mā te kōtuitui i ngā āhuatanga toi ka puta mai ko ngā mātauranga hou</li><li>mā te kaitoi ngā mātauranga ao wairua, ao kikokiko e kōtuitui kia puta ki te ao mārama.</li></ul> | <p>Ka mōhio te ākonga:</p> <ul style="list-style-type: none"><li>mā te āta tātari ka whakapakari, ka whakapai ake te kaitoi i āna mahi</li><li>kei ngā toi ngā mātauranga ao wairua, ao kikokiko hei tūāpapa mō ā tātou mahi katoa.</li></ul> |